

農桑輯要一



農桑輯要

(一)

元世祖敕農司撰

四庫全書總目提要

農桑輯要七卷。元世祖朝。司農司撰以頒行。司農司設於至元七年。專掌農桑水利。分布勸農官。巡行郡邑。察舉農事成否。達於戶部。以殿最牧民長官。元史謂世祖卽位之初。首詔天下。崇本抑末。於是頒農桑輯要之書于民。永樂大典載是書。有至元十年王磐序。及至順三年印行萬部官牒。合之蘇天爵元文類所載蔡文淵序。則延佑元年。仁宗特命刊版於江浙行省。迨英宗明宗文宗一再申命頒布焉。焦竑經籍志與錢曾讀書敏求記皆云七卷。永樂大典作二卷。非有殘缺。蓋修書時併合之。今仍分作七卷。觀其博採經史及諸子雜家。益以試驗之法。考核詳贍。而一切於實用。當時絕貴重之不虛也。

農桑輯要原序

聖天子臨御天下。欲使斯民生業富樂。而永無饑寒之憂。詔立大司農司。不治他事。而專以勸課農桑爲務。行之五六年。功效大著。民間墾闢蠶桑之業。增前數倍。農司諸公。又慮夫田里之人。雖能勤身從事。而播殖之宜。蠶繅之節。或未得其術。則力勞而功寡。獲約而不豐矣。於是徧求古今所有農家之書。披閱參考。刪其繁重。撫其切要。纂成一書。曰農桑輯要。凡七卷。鏤爲版本。進呈畢。將以頒布天下。屬予題其卷首。予嘗讀爾詩。知周家所以成八百年興王之業者。皆由稼穡艱難。積累以致之。讀孟子書。見其論說王道。丁寧反覆。皆不出乎夫耕婦蠶五雞二蔬。無失其時。老者衣帛食肉。黎民不饑不寒。數十字而已。大哉農桑之業。眞斯民衣食之源。有國者富強之本。王者所以興教化。厚風俗。敦孝悌。崇禮讓。致太平。躋斯民於仁壽。未有不權輿於此者矣。然則是書之出。其利益天下。豈可一二言之哉。施於家。則陶朱猗頓之寶術也。用於國。則周成康漢文景之令軌也。又何待夫序引贊揚。而後知其可重哉。至元癸酉歲季秋中旬。日翰林學士王磐題。

叢書集成

初編

主編者
王雲五

商務印書館發行

A7173/00

本館叢書集成初編所選聚珍
版叢書及漸西邨舍叢刊皆收
有此書漸西本覆刻聚珍本故
據聚珍本排印

農桑輯要目錄

卷一

典訓

農功起本

經史法言

耕墾

耕地

區田

卷二

播種

收九穀種

大小麥
附 青稞

旱稻

農桑輯要
目錄

蠶事起本

先賢務農

代田

種穀

水稻

黍稷
附 稗

梁秫

小豆
豇豆 白豆 附

葛黍

胡麻

麻

木棉

論九穀風土及種時月

論苧麻木棉

卷三

栽桑

論桑種

地桑

壓桑

栽桑梢

大豆
附 脾豆

豌豆

蕎麥

麻子
蘇

苧麻

種楮

移栽

栽條

布行桑

修蒔 治蟲蠶
等法附

接廢樹

義桑

柘

卷四

養蠶

論蠶性

擇繭

收乾桑

收牛糞

收蒿梢

治蠶具 蠶楯
附

火倉

變色

科斫 採葉
附

接大小樹

桑雜類

收種

浴連 收貯蠶
連附

製豆粉米粉

收蓐草

修治苦薦

蠶室

安槌

生蛾

下蛾

涼暖總論

飼養總論

用葉

分擡總論

初飼蛾

壁黑

頭眠擡飼

停眠擡飼

大眠擡飼

養四眠蠶

植蠶之利

晚蠶之害

十體

三光

八宜

三稀

五廣

雜忌

簇蠶

擇繭

繰絲

蒸餹繭法

夏秋蠶法

卷五

瓜菜

種瓜

附黃瓜

治瓜籠法

區種瓜法

冬瓜

芋

茄子

蘿蔔
胡蘿蔔附

薑

蒜

葱

胡荽

萵苣

人蔘

蒼朮

花參

甘露子

西瓜

瓠

葵

蔓菁

蜀芥芸薹芥子

菊子

薤
薤同

韭

菠薐

同蒿

藍菜

蘭香
附 香菜

芹蘘

豆豉

麩豉

果實

種梨

附 插梨

桃

櫻桃
附 蒲

梅杏

棗

附 櫻棗

柿

木瓜

橙

檀子

接諸果

卷六

竹木

藏梨法

李

柰林檎

栗

附 榛

安石榴

銀杏

橘

諸果

種竹

榆

棠

槐

楸

梧桐

柞

棟

葦
附 荻

作園籬

伐木

藥草

種紫草

藍

松
附 杉 柏

白楊

穀楮

柳

梓

漆

皂莢

椿

蒲

諸樹

紅花

梔子

茶

茱萸

蓮藕

芡

地黃

菊花

黃精

牛蒡子

甘蔗

藤花

罌粟

卷七

葷畜

養馬牛總論

椒

茴香

芡

薯蕷

枸杞

蒼朮

百合

決明

薏苡

薄荷

苜蓿

馬

附 騾驢

牛 附 水牛

豬

鵝 鴨

蜜蜂

羊

養雞

魚

歲用雜事

農桑輯要卷一

元 司農司撰

典訓

農功起本

周書曰神農之時天雨粟神農遂耕而種之。白虎通古之人民皆食禽獸肉至於神農因天之時分地之利制耒耜教民農作神而化之使民宜之故謂之神農。典語神農嘗草別穀烝民乃粒食。世本倭作耒耜倭神農之臣也。周本紀棄爲兒時其遊戲好種樹麻菽及爲成人遂好耕農相地之宜宜穀者稼穡焉民皆法則之堯舉爲農師。漢食貨志后稷始耨田以二耜爲耨。顏師古曰耨耨也晉王犬反或作畎藝文志農九

家百一十四篇。案原本作百四十一篇今據漢書校改農家者流蓋出農稷之官播百穀勸耕桑以足衣食。

蠶事起本

漢食貨志。嘉穀布帛二者。生民之本。與自神農之世。易繫辭。神農氏沒。黃帝堯舜氏作。通其變。使民不

倦。垂衣裳而天下治。蓋取諸乾坤。

孔穎達曰。黃帝已上。衣鳥獸之皮。其後人多獸少。事或窮乏。故以絲麻布帛。而制衣裳。使民得宜也。

通典。周制。享先蠶。先蠶。天駟

也。蠶與馬同氣。漢制。祭蠶神。曰苑窳婦人。寓氏公主。北齊先蠶祠。黃帝軒轅氏。如先農禮。後周祭先蠶西陵氏。

經史法言

書。洪範八政。一曰食。二曰貨。

孔穎達曰。教民使勤農業。求資用也。人不食則死。食於人最急。故教爲先有食。又須衣。故貨爲二。食則勤農以求之。衣則蠶績以求之。

無逸。周公曰。嗚呼。君

子所其無逸。先知稼穡之艱難。乃逸。則知小人之依。

孔安國曰。稼穡農夫之艱難事。先知之。乃謀逸豫。則知小人之所依怙。

禮記。王制。國無九年

之蓄。曰不足。無六年之蓄。曰急。無三年之蓄。曰國非其國也。三年耕。必有一年之食。九年耕。必有三年之

食。以三十年之通。雖有凶旱水溢。民無菜色。

孝經。庶人章。用天之道。

邢昺曰。春則耕種。夏則芸苗。秋則穫刈。冬則入廩。

分地之利。

邢昺

曰。分別五土之高下。隨所宜而播種之。

謹身節用。以養父母。此庶人之孝也。

史記。太史公曰。居之一歲。種之以穀。十歲。樹之以

木。百歲。來之以德。德者。人物之謂也。今有無秩祿之奉。爵邑之入。而樂與之比者。命曰素封。故曰。陸地牧